



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1861

305. Dispensation des Papstes Paul III. zu der Vermählung des Kurprinzen
mit der Prinzessin Hedwig von Polen, am 10. Juni 1535.

Nutzungsbedingungen

[urn:nbn:de:hbz:466:1-56615](https://nbn-resolving.org/urn:nbn:de:hbz:466:1-56615)

Cupimus Paternitatem Vestram sospitem esse et incolumem. Vilne, XIII. Maii, Anno Domini MDXXXV.

Nach Degiel, Cod. Pol. V, 188.

305. Dispensation des Papes Paul III. zu der Vermählung des Kurprinzen Joachim mit der Prinzessin Hedwig von Polen, am 10. Juni 1535.

Paulus Episcopus, Servus Servorum Dei, dilecto Filio Nobili Viro Joachimo Juniori, Marchioni Brandenburgensi, et dilecte in Christo Filie, Nobili Domicelle Hedvigi de Polonia, Brandenburgensis et Cracoviensis Civitatum seu Diocesum, Salutem et Apostolicam Benedictionem. Romani Pontificis precellens auctoritas concessa sibi desuper utitur potestate, prout Personarum, negotiorum et temporum qualitate pensata id in Domino conspicit salubriter expedire. Oblata si quidem Nobis nuper pro parte vestra petitio continebat, quod Tu Fili Joachime Junior Marchio, qui dilecti Filii Nobilis Viri Joachimi, Marchionis Brandenburgensis, Electoris Imperii Romani, Filius, et Tu in Christo Filia Hedvigis, que charissimi in Christo Filii Viri Sigismundi, Polonie Regis, Filia estis, pro conservandis inter Vos, vestrosque Consanguineos et Affines, presertim ex sanguine Regio descendentes, nec non subditos et Vafallos, Pacis et amicitie Foederibus, ac ex certis aliis rationabilibus causis, desideratis invicem matrimonialiter copulari, sed quia secundo affinitatis gradu ex eo proveniente, quod quondam Magdalena Tui, Joachime, dum viveret, prima uxor, ipsius Sigismundi, Regis ex Sorore Neptis, Tibi Hedvigi, secundo Consanguinitatis gradu conjuncta erat, Vos invicem attinetis, desiderium verum in hac parte adimplere non potestis, Dispensatione Apostolica super hoc non obtenta. Quare pro parte vestra Nobis fuit humiliter supplicatum, ut Vobis super hoc de opportune Dispensationis gratia providere de benignitate Apostolica dignaremur. Nos igitur, qui inter alia singulos Christi fideles, presertim Principes, Pacis et tranquillitatis unitatem et amoenitatem vigere sinceris desideramus affectibus, ad statum vestrum debitum respectum habentes, ex premissis et certis aliis Nobis expositis causis, huiusmodi supplicationibus inclinati, Vobiscum, dummodo Tu Hedvigis propter hoc rapta non fueris, ut huiusmodi Affinitatis impedimento, ac quibusvis Apostolicis, nec non in Provincialibus et Sinodalibus Conciliis editis generalibus, vel specialibus Constitutionibus et Ordinationibus ceterisque contrariis nequaquam obstantibus, Matrimonium inter Vos contrahere, illudque in facie Sancte Matris Ecclesie solemnizare, ac in eo, postquam contractum fuerit, remanere, libere et licite valeatis, auctoritate Apo-

stolica tenore presentium de specialis dono gratie dispensamus, prolem ex huiusmodi Matrimonio suscipiendam legitimam nuntiando. Nulli ergo omnino hominum liceat hanc paginam nostre dispensationis et nuntiationis infringere, vel ei ausu temerario contraire. Si quis autem hoc attemptare presumpserit, indignationem Omnipotentis Dei ac Beatorum Petri et Pauli Apostolorum eius se noverit incursum. Datum Rome apud Sanctum Marcum, Anno Incarnationis Dominice millesimo quingentesimo trigesimo quinto, Quarto Idus Junii, Pontificatus nostri Anno primo.

Nach Degiel, Cod. Pol. I, 424.

306. Kurfürst Joachim II. bekennt, mit seiner Gemahlin Hedwig zugleich die ganze versprochene Mitgift erhalten zu haben, am 9. September 1535.

Joachimus, Dei Gratia Marchio Brandenburgensis, Sacri Romani Imperii Archicamerarius, Princeps Elector, Stetinenfis, Pomeranie, Cassuborum et Sclavorum etc. Dux, Burgravius Nurembergensis et Rugie Princeps. Etsi ita convenerat inter Serenissimum Principem et Dominum, Dominum Sigismundum, Dei Gratia Regem Polonie, Magnum Ducem Lituanie, Russie, totius Prussie Masovieque etc. Dominum et Heredem, Dominum Socerum et Parentem nostrum charissimum observandissimumque et Nos, ut Dotis nomine triginta duo aureorum Hungaricorum millia, boni auri, et iusti ponderis certis quibusdam temporibus Nobis numerarentur, quemadmodum in Literis Contractus fufius est explicatum, tamen cum ipsi Cracoviam venissemus, ut ibi ex Pacto Matrimonium contraheremus, Serenissimus Rex, Socer et Parens noster observandissimus, maturius etiam, atque deberet, Nobis prestitit et quam se constitutis temporibus pecuniam Dotis nomine Nobis daturum sponderat, eam Cracovie Nobis representavit, atque universam Dotem triginta duo millia aureorum Hungaricalium, Nobis etiam tum Cracovie existentibus numerari fecit: quin etiam, que est paterna quedam illius erga Nos benevolentia, ea omnia quecunque Illustrissime Filie illius, Uxori nostre charissime, aut Dotis, aut ornamentorum, aut paraphernalium, totiusque suppellectilis nomine, a prefato Serenissimo Rege Sigismundo debebantur, liberaliter Nobis dari et assignari curavit, ut non solum satisfecisse spei nostre et expectationi de se, verum etiam superasse eam videatur. Id quod Nos pro mutua nostra erga illius Maiestatem observantia libenter fatemur, atque adeo profitemur et pre Nobis ferimus, atque his Literis nostris manu nostra subscriptis, Maiestatem eius quietamus cavemusque neminem amplius nostro nomine et Uxoris nostre charissime, neque Dotis, neque ornamentorum, paraphernalium vel totius suppellectilis nomine, aut loco quidquam